

UGOVOR
Br: 0602-532-14/20
o nabavci betona i pijeska

UGOVORNE STRANE:

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor , Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: "ALMY" d.o.o, Zenica ul. Vrandučka bb, kojeg zastupa direktor Salmir Begić (u daljem tekstu: Dobavljač)
ID broj: 4218149030000, porezni broj PDV: 218149030000.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog Otvorenog postupka za javnu nabavku roba - Nabavka betona i pijeska, objavljenog na Portalu javnih nabavki BiH, broj Obavještenja 775-1-1-35-3-25/20 od 12.02.2020. godine, Sažetka obavještenja o nabavci objavljen u „Službenom glasniku BiH“ broj 11/20 od 14.02.2020. godine, Zapisnika o pregledu i ocjeni ponuda broj 0602-532-10/20 od 04.03.2020. godine, prihvaćene ponude Dobavljača broj 0602-532-8/20 od 04.03.2020. godine i Odluke o izboru najpovoljnijeg ponuđača, broj 0602-532-11/20 od 04.03.2020. godine.

PREDMET UGOVORA

Član 2.

Predmet ovog Ugovora je nabavka roba – betona i pijeska, prema zahtjevima Ugovornog organa i prema prihvaćenoj ponudi dobavljača.

UGOVORENA CIJENA

Član 3.

Ugovorena cijena za robe iz člana 2. ovog Ugovora iznosi:

Cijena roba koja su predmet ovog Ugovora bez PDV-a iznosi	124.884,00KM
PDV na ponuđenu cijenu roba iznosi	21.230,28KM
Cijena roba koja su predmet ovog Ugovora sa PDV-om iznosi	146.114,28KM

Jedinične cijene date u ponudi su fiksne i nepromjenjive u toku trajanja Ugovora.

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 60 (šezdeset) dana nakon prijema uredno ispostavljene fakture za isporučenu robu na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i biti će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Dobavljač se obavezuje da će isporuku robe definisane članom 2. ovog Ugovora vršiti kontinuirano po zahtjevu i potrebama Ugovornog organa, najkasnije u roku do 4 (četiri) sata od momenta narudžbe u fabrici (objektima proizvodnje betona i pijeska), čime se Ugovornom organu daje pravo prvenstva isporuke.

Svi rokovi u vezi s ugovorom računaju se od dana stupanja ugovora na snagu.

Mjesto isporuke roba su objekti proizvodnje betona i pijeska najbolje ocijenjenog ponuđača.

Ugovorni organ preuzima obavezu transporta od objekta proizvodnje betona i pijeska, do groblja (mjesto ugrađivanja), osim u slučaju kada pri ugrađivanju betona treba koristiti pumpu za beton ili mikser-kamion.

UGOVORNA KAZNA

Član 6.

U slučaju kašnjenja u izvršenju roba do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1 promil naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe.

Odabrani Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani Dobavljač nije mogao utjecati, niti ih predvidjeti.

GARANCIJE

Član 7.

Garancija za dobro izvršenje posla, kao uslov za stupanje na snagu ovog ugovora u iznosu od 10% ukupne vrijednosti ugovora bez PDV-a dostavlja se najkasnije u roku do 15 (petnaest) kalendarskih dana od dana potpisivanja ugovora (neopoziva bezuslovna bankarska garancija i plativa na prvi poziv sa rokom važnosti 30 dana po isteku garantnog roka za izvršene radove).

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavnim.

OSNOVNE OBAVEZE DOBAVLJAČA

Član 8.

Pored obaveza predviđenih važećim propisima, Dobavljač je posebno dužan da robe iz člana 2. ovog Ugovora isporuči stručno i kvalitetno, u svemu prema datoj Ponudi.

Član 9.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

OSNOVNE OBAVEZE UGOVORNOG ORGANA

Član 10.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 11.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne isporuči robe kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora, ugovorne strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 12.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 13.

Ugovorne strane su saglasne da sve što nije regulisano ovim Ugovorom regulišu važeće odredbe Zakona o obligacionim odnosima.

Član 14.

Ovaj Ugovor se počinje primjenjivati dan nakon isteka ugovora sa prethodnim dobavljačem, odnosno od 05.04.2020. godine u trajanju od 12 (dvanaest) mjeseci.

Član 15.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN:
KJKP „POKOP“ d.o.o. Sarajevo




izv.dir. Asmir Hodžić


Direktor, Goran Cerić

Broj,0602-532-14/20
Sarajevo,23.03.2020.god.

DOBAVLJAČ:
"ALMY" d.o.o, Zenica




Direktor, Salmir Begić

Broj, 493 / 20 - 13
Zenica, 02.04. 2020 god